

الفصل الرابع والأربعون

(حسن بك علواني) الأخ الكبير والقلب الحنون .. كان مصدر البهجة والسعادة والنكتة والابتسامة يجمعنا ويلمنا .. ليعلمنا شؤون الحياة ويدلنا .. كانت السيدة حرمه (صيدلانية) .. ولذا تعددت استشارته لنا عمليا واجتماعيا وطبيا .. في فترات الاستراحة بخيمته .. وكنا كلنا الملازمين تحت الاختبار .. محتاجين للنصح .. وفي الحياة بالاندماج والانصهار .. بفهم وافتخار .. وقام سيادته بهذا الدور باقتدار ..! .. إزاي .. بالأساتك .. أيوم .. كان ملك الأساتك .. أستك تحت السرير .. وأستك على السرير .. وآخر يطير من السرير للسقف ويعمل سكترما (ارتداد) للسرير وعينينا رايحة جاية على الحاجات اللي بتطير .. ودماغنا ساح .. وقفانا داخ .. من كتر اللسع من حكايات علواني الخبير؟ .. إيه اللي عايزين تفهموه ..؟ دي أشياء للكبار فقط للسادة الملازمين اللي مش متزوجين! ودي محاضرات علمية طبية معلمية وثقافية .. صعب على فهمكم يا عنيا! .. وأضاف لنا محاضرات في علم البحار والمحيطات بالأماكن البعيدة والنائية وليس بها على الإطلاق ناس أو بشر ..! والواحد يقعد ويستحم ويسترخي براحته .. والصراحة .. راحة .. بس ما تقولش لحد ..! طبعا ضباط القطاع هم بس اللي عارفين .. ومتذكرين ولحكائتي متشوقين .. مش زي ناس بتقرا ومتمبلين ولا حتى لايك ولا شير .. ولا كاش ولا غير لربنا يهديكم

للحق وتدوه لصاحبه.. بدل ما ربنا يحل عليكم غضبه ويسخطكم
برص أو ضفدع أو سحلية؟

(محمد بك رشاد).. طاقة غير عادية في جميع المجالات..
عمل وعطاء وخبرة وأداء.. واستعمال رذالات من المرؤوسين
والزملاء والقيادات.. وولعو ونار.. تنفيسا لسخافات.. وللضغط
من جميع الجهات.. برفيقته الوحيدة ومتعته الفريدة.. السجائر
والدخان!.. كان أمين الديوان للقطاع والسلطان.. وحامل
الأوسمة والهم والصولجان! (الشئون الإدارية والمالية والخدمات
والمصروفات) وعندما تقترب منه ما تشوفوش.. ولو كلمته.. ما
تسمعوش.. وإنما تدخل دائرة من الضباب وشبورة من السحاب..
وكرة من الدخان واللهب والهباب.. وطالع منها يد بالكرات..
الأحمر إما أوامر أو تعليمات.. للتنفيذ.. ولا تعليق.. وإلا تاخذ
طوربيد (خصم).. أو صاروخ لو شففته تدوخ (محاكمة).. وكان
لاغي الإنذار.. وكان للحق والتاريخ طيب ومحاييد ومحق وإنسان

(على بك شريف) صاحب النكتة الحلوة والابتسامة الشقية
والوجه الضاحك المريح.. تصادف وجود مستحقات مالية للقطاع
بحسابات الوزارة والإدارة وتوجه على وجه السرعة لصرفها قبيل
عطلة العيد وغطس يومين وبن ومعاة الفلوس والاستثمارات..
وذلنا كلنا ووقفنا طابور للتوقيع والاستلام (وهذه شغلة محمد
بك رشاد).. فوجئنا بيدينا الفتات فكة قروش وملايم ومفيش

الجنيهات .. إيه ده يا علي بك .. إيه عايزين تاكلوني ولا ايه؟ ..
وتاكلوا سحت ليه .. ليه عملت إيه .. أيوة حاقولكم ومش خايف
منكم .. وأتحداكم كلكم .. حد يقدر يعمل اللي عملته ليكم .. ما
تستهلوش .. عشان ما بتقدروش؟ .. إيه يا سيدي اطربنا وقول ..
أنتم عارفين المأمورية صعبة ومعصلة .. وعصية ومستعجلة؟ ..
أيوة وبعدين .. ركبت قطر العيال ضربوه وفتحوا دماغ السواق ..
نزلت ركبت بيجو اتقلب بترعة سفیان .. ركبت فيل برك .. نزلت
ركبت لنش غرق .. محدش يقاطعني .. لحسن أنسى اللي مذاكره ..
وبعدين؟ .. نزلت ركبت ليموزين ضرب .. جريت وراء هليوكبتر
هرب .. الله يطولك يا روح .. على الـ ٥٠ لملوح (٥٠ جنیه) اللي
أكلها من كل واحد فينا .. ها .. كمل .. اضطريت أشترى عربية



جديدة باسمي وحاسمحلکم ترکبوها في المأموريات.. قمنا جميعا
بلا أي ترتيب أو اتفاق وهو في النصف وبعد نصف ساعة أعلن
في الإذاعة الداخلية عن عدم مقدرة أو صلاحية على بك شريف
للعمل مدى الحياة وحتى الآن.. واصطفينا باحتجاج صامت
للصم والبكم أمام مكتب محمد بك رشاد.. وكان معلقا صورة
وزير الداخلية آنذاك اللواء سيد بك فهمي.. وهتفوا.. بالأيدي
والإشارة.. وباعتباري خبيراً في معرفة هذه اللغة.. ترجمتها لمحمد
بك رشاد بمذكرة مكتوبة (سيد بيه.. سيد بيه.. علي شريف..
بيعمل إيه) للعرض على القائد للنظر والتصرف وهو ما أعلن
عنه من قرار في الإذاعة الداخلية..

